

A O le faatuatua o Kalepo:

❖ O le mafai ona faia o mea e le mafai ona faia:

- O le uiga o le igoa “Kalepo” e sau mai le gagana Eperu o le “maile.” O nisi tusitusiga i fafo atu, o le upu keleb (auauna lototele). E pei lava ona faaalua i lona olaga, o lana auunaga, o lona faatuatua faamaoni e le’i maluelue. Sa ia faamaoni i ni mea sa le’i faamaoni ai isi. Sa tumau lona faamaoni i le Atua ae na fememea’i ai isi.
- Na vaaia e tagata asiasi e toasefulu le lē mafai ona faatoilaloina, ma tagata tinoe’ese e le mafai ona manumalo i ai, ae na vaaia e Kalepo aai ua faatoilaloina ma tagata tinoe’ese e faia i latou “ma mea e ‘ai” (Numera 13:28-33; 14:6-9).
- Faatasi ai ma Iosua (e fai si laititi ia te ia), ae na ia maumaututu i lona manatu, e tusa lava pe na manana’o le motu o tagata e fetogi ia te’i la’ua i maa (Numera 14:10).
- O lana faaa’oa’oga e faamalosi ai i tatou ia faatumauiina lo tatou faatuatua mausali i le Atua, o Le e mafai ona faia mo i tatou o mea ua le mafaia..

❖ Faatinoina o le Faatuatua:

- E tusa ai ma le faamatalaga a Kalepo lava ia, ina ua fesiligia e Mose se tala, “Ona ou aumai ai lea o le upu e tusa ma lo’u taofi” (Iosua 14:7), ma “Na ou matua mulimuli atu ia leova lo’u Atua ma le loto atoa” (Iosua 14:8). Ona o lona faamaoni, na folafola atu ai ia te ia o le a fai mona tofi le laueleele na tu ai ona vae i le taimi na avea ai o ia o se tasi o le au asiasi (Iosua 14:9).
- E 40 tausaga le matua o Kalepo i le taimi na auina atu ai o ia e asiasi. Ina ua mavae le lima o tausaga o le toilalo, ua avea nei o ia ma tagata matua i le 85 o ona tausaga (Iosua 14:10). A’o loo tumau pea le malosi o lona tino ma lona mafaufau, ma sa tutusa lava ona manatu seia oo mai i lea lava taimi (Iosua 14:11).
- Ua oo nei i le taimi e faataunuu ai le folafolaga ma faamaonia ai ana upu e le’i i’uvale lava. Faatasi ai ma le fesoasoani a le Atua, o le a mafai ai ona ia faaumatia tagata tino-e’ese ma faatoilaloina ai o latou aai (Iosua 14:12-14).

❖ Tauaveina o le sulu:

- Ina ua uma ona ia faatoilalo se vaega o lea aai o lona lava lea tofi, ona manatu lea o Kalepo i se talatu’u poo se aafiaga tumau o lona olaga o le a tuua ina ia faaolaola pea. Pe o le a faaauauina pea le faatuatua o ona sulii i le Atua e faapei ona ia faia?
- Sa ia faamaonia le mafai ona faatuatuaina o le Atua, o lea na ia manao ai e saili se tasi e tutusa lona faatuatua ma ia, ina ia mafai ona ia tuuina atu i ai e tauaveina le sulu mo i latou.
- Mo lenei mafuaaga, na ia folafola atu ai le lima o lona afafine i sē na te faatoilaloina Kiriata-sapera, o lea foi ua ta’ua o Tiperi (Iosua 15:15-16).
- O le atalii o lona uso o Otinielu, o le tagata malosi na ia faatoilaloina lea aai, ma avea ai o ia ma ulua’i faamasino o Isaraelu (Iosua 15:17; Faamasino 3:9-11).
- Ina ua uma ona faaipoipo atu o ia ia Akesa, le afafine o Kalepo, ona ia tauanau lea o lona tamā ina ia faataga o ia (Otinielu) e faalautele le nuu na faatoilaloina (Iosua 15:18-19), ma ia faamaonia ai o ia lava o se sulii agavaa e suitulaga mo Kalepo.

B O le faatuatua o Iosua:

- ❖ A'o taulealea lava, na filifilia ai Iosua e Mose e avea ma ona fesoasoani. Sa ia faamaonia lona usiusitai, lototele, faamaoni, fesoasoani, ma o se e alofa i mea tau le Atua (Esoto 33:11).
- ❖ Ina ua oo i le taimi e tuuina atu ai lona lava laueleele, ona sa ia faatalitali lava se'ia oo ina maua e ituaiga uma e 12 o latou tofi, ona ia filifilia loa lea "o le vaega o totoe" o [Timenata-sera] (Iosua 19:50), o se aai e lata ane i Sailo, i le mea sa faatuina ai le Falefetafa'i. O le loto lea o Iosua ia latalata atu i lona Atua.
- ❖ E lei filifilia e Iosua se aai e mauoa pe matagofie. Sa ia filifilia se aai e ono faatafuna'ina, e tatau ona ia toe fausia.
- ❖ O le filifiliga a Iosua ua faailoa mai ai i a'i tatou le mea o i ai lona loto. E manao o ia e faalatalata atu i le Atua. Sa ono talosaga atu pe filifili foi mo se fasi fanua e sili atu. Ae e leai se faamaualuga i le loto o Iosua; ua ia filifili e ola i se olaga faigofie. Ua ia iloa lelei le mea e sili atu ona taua.
- ❖ O lana filifiliga e fesoasoani tatou te manatua ai upu a le Tupu o Tavita: "E tasi le mea ua ou ole atu ai ia leova, o le mea lava lea ou te saili atu ai; ia ou nofo i le fale o leova i aso uma o lo'u ola, ina ia ou iloa atu ai le matagofie o leova, ma ou saili i lona malumalu" (Salamo 27:4).
- ❖ **Mai lona tala'aga, ua tatou a'oa'o mai ai:**
 - E le faafitia e le faatuatua le mea moni; ua na'o na ofo atu o se tasi tulaga ese o le malamalama
 - Nai lo le faitio, ua valaauina i tatou ia faatuatua ma gaua'i atu i fuafuaga a le Atua
 - O faamanuiaga e oo mai lea i a'i latou o e tumau atoatoa i le Alii
 - O le olaga i ona itu uma e tatau ona ola ai e tusa ma fuafuaga na faatuina ai e le Atua
 - E taua lava le ola latalata atu i faitotoa o le fale o lo'u Atua (Salamo 84:10)

C O le auala e maua ai le faatuatua:

- ❖ E atagia mai i a tatou amioga le puleaina o mea o loo tatou vaaia. O loo i ai foi ni mea ua ta'ua o "fa'ata o niuroni (o ni sela faapitoa o loo feavea'ia lagona o musele o le fai'ai" e faanenefuina ai le eseese i le va o se mea o loo matauina ma se mea o loo faia foi e se tasi
- ❖ O loo valaaulia i tatou e le Tusi Paia ia maitau lelei faaa'oa'oga a toa ta'uta'ua o le faatuatua, faatasi ai ma le gaua'i atoatoa atu ia Iesu, le faaa'oa'oga silisili (Eperu 12:1-2).
- ❖ I le suesueina o olaga o tagata o le faatuatua e pei o Kalepo ma Iosua, ua tatou a'oa'o mai ai ia faatuatua i le Atua faapei ona la'ua faia; ia lotomaulalo e pei oi la'ua; ia molimau atu i le upu moni ma le lototele, e pei ona faia foi e i la'ua.
- ❖ Ae e mafai faapefea ona liua i tatou? E manino lava le Tusi Paia: e ala i le faatagaina o le Agaga Paia e galue i totonu i a'i tatou (2Korinito 3:18). O se galuega faatino lenei. E tatau ona tatou filifili ina ia liua ma ia faia le galuega e pei o Kalepo. Ua valaauina i tatou ia fai ma taulaga ola mo le Atua (Roma 12:1-2).